



INTERNATIONAL UNIVERSITY OF SARAJEVO
INTERNACIONALNI UNIVERZITET U SARAJEVU

Na osnovu člana 79. i člana 80. Zakona o visokom obrazovanju („Službene novine Kantona Sarajevo“, broj: 33/17), Pravila studiranja za prvi ciklus studija na Internacionalnom univerzitetu u Sarajevu, Odluke Senata Internacionalnog univerziteta u Sarajevu broj: IUS-SENAT-11-1401/2019 od 31.05.2019. godine, a postupajući po Prethodnoj saglasnosti Ministarstva za obrazovanje, nauku i mlade Kantona Sarajevo broj: 11-05-38-25076-1/19 od 24.06.2019. godine, Internacionalni univerzitet u Sarajevu o b j a v l j u j e

K O N K U R S

**za upis studenata u prvu godinu I ciklusa studija na organizacionim jedinicama
Internacionalnog univerziteta u Sarajevu
u studijskoj 2019/2020. godini**

Internacionalni univerzitet u Sarajevu (“dalje: IUS”) vrši prijem i upis u prvu godinu prvog ciklusa studija u studijskoj 2019/2020. godini. Upis na IUS vrši se na sljedećim organizacionim jedinicama:

Redni broj	Naziv organizacione jedinice/fakulteta	Broj studenata (redovni samofinansirajući)		
		Državljeni BiH	Strani državljani	Ukupno
1.	Fakultet prirodnih i tehničkih nauka	310	200	510
	Odsjek prirodnih nauka			
	<i>Genetika i bioinženjering</i>	50	20	70
	Odsjek tehničkih nauka			
	<i>Računarske nauke i inženjering</i>	50	50	100
	<i>Elektrotehnika i elektronika</i>	50	30	80
	<i>Mašinstvo</i>	40	20	60
	<i>Arhitektura</i>	50	50	100
	<i>Softverski inženjering</i>	70	30	100
2.	Fakultet umjetnosti i društvenih nauka	75	115	190
	Odsjek umjetnosti			
	<i>Vizualne umjetnosti i dizajn vizualnih komunikacija</i>	25	20	45
	Odsjek društvenih nauka			
	<i>Psihologija</i>	30	70	100
	Odsjek kulturoloških studija			
	<i>Engleski jezik i književnost</i>	20	25	45

	Odsjek međunarodnih odnosa i javne uprave			
	<i>Međunarodni odnosi</i>	35	65	100
	Odsjek ekonomije i menadžmenta			
	<i>Ekonomija</i>	30	35	65
	<i>Menadžment</i>	30	40	70
	<i>Međunarodno poslovanje i finansije</i>	15	20	35
4.	Pravni fakultet	20	20	40
	<i>Pravnog fakulteta</i>	20	20	40
5.	Edukacijski fakultet	20	25	45
	<i>Engleski jezik i književnost - nastavnički smjer</i>	20	25	45

Godišnja školarina za sve studijske programe I ciklusa studija iznosi 6.000,00 eura. IUS obezbijeduje stipendije u rasponu od 35 -100 posto u skladu sa kriterijima Osnivača. Odobrene stipendije važe za sve četiri godine I ciklusa studija, uz mogućnost korišćenja dodijeljene stipendije još jednu studijsku godinu. U slučaju da student ne okonča studijski program u roku od ukupno pet godina, stipendija se utvrđuje na 50 posto, bez obzira na iznos stipendije koju je student ostvario na početku studija, te se ista primjenjuje do završetka studija. Školarina se plaća u KM preračunata prema srednjem kursu Centralne banke BiH na dan uplate.

Ukoliko je broj kandidata koji su ispunili formalne uslove za upis veći od predviđenog broja studenata za upis, prednost će imati oni kandidati koji su ostvarili pravo na veću stipendiju u skladu sa uslovima Osnivača. U slučaju da kandidati ostvare istu stipendiju, isti se rangiraju po osnovu ostvarenog uspjeha u prethodnom stepenu obrazovanja.

U slučaju iz prethodnog stava, na formiranje konačne rang liste kandidata i prijem studenata u prvu godinu prvog ciklusa studija utjecat će uspjeh ostvaren tokom srednjoškolskog obrazovanja, iz pojedinih predmeta i oblasti značajnih za odgovarajući studij. Rangiranje kandidata i razmatranje relevantnih predmeta i oblasti će se izvršiti na način kako slijedi:

- Za upis na Fakultet umjetnosti i društvenih nauka, uzet će se u obzir uspjeh ostvaren iz predmeta iz oblasti umjetnosti i društvenih nauka;
- Za upis na Fakultet menadžmenta i javne uprave, uzet će se u obzir uspjeh ostvaren iz predmeta iz oblasti ekonomskih nauka;
- Za upis na Fakultet prirodnih i tehničkih nauka, uzet će se u obzir uspjeh ostvaren iz predmeta iz oblasti prirodnih i tehničkih nauka;
- Za upis na Pravni fakultet, uzet će se u obzir opći uspjeh ostvaren u srednjoj školi;
- Za upis na Edukacijski fakultet, uzet će se u obzir opći uspjeh ostvaren u srednjoj školi.

POZNAVANJE ENGLSKOG JEZIKA

Kandidati koji apliciraju za upis mogu dostaviti jedan od sljedećih dokaza o poznavanju engleskog jezika:

a. Potvrda o ostvarenom odgovarajućem broju bodova na jednom od sljedećih međunarodno priznatih ispita engleskog jezika:

-IBT Internet based TOEFL minimalno 70 bodova (u Turskoj položen samo pri centrima za testiranje u okviru univerziteta)*;

-IELTS - (Academic) minimalno 6.0., položen samo u British Council centru*;

**TOEFL/IELTS rezultati stečeni u bilo kojem drugom centru za testiranje (privatni kursevi jezika i sl.) neće biti uvaženi kao dokaz o poznavanju jezika na IUS-u.*

Po primitku ORIGINALNE bodovne liste sa TOEFL/IELTS, kandidat će istu dostaviti lično direktoru ELS-a za potrebe uvida i intervjuja. Kopija o položenom testu neće biti uvažena kao dokaz o poznavanju jezika.

Vrijeme trajanja bodovne liste je naznačeno na istoj.

b. diploma o završenoj srednjoj školi, dodiplomskom ili postdiplomskom studiju realizovanom na engleskom jeziku i stečena u državi u kojoj je engleski jezik službeni jezik;

c. dokaz o ostvarenih 60 ECTS studijskih bodova na univerzitetu na kojem je engleski jezik službeni jezik, s tim da od datuma sticanja ECTS bodova i datuma prijave za upis na IUS nije prošlo više od dvije godine (kao dokaz može da se podnese uvjerenje o položenim ispitima ili drugi odgovarajući dokument);

d. diploma jedne od sljedećih srednjih škola:

- AICE diploma: Cambridge Advanced International Certificate of Education;

- IB diploma: International Baccalaureate;

e. dokaz kojim se potvrđuje da je engleski maternji jezik kandidata.

Kandidati koji posjeduju FCE certifikat sa minimalnom ocjenom B2 oslobođeni su polaganja ELS "Placement exam" i mogu direktno pristupiti ELS "Proficiency exam".

Kandidati koji ne prilože niti jedan od navedenih dokaza o poznavanju engleskog jezika polažu "Proficiency Exam" (Test osposobljenosti) koji IUS organizuje početkom svake studijske godine.

U slučaju neispunjenja jednog od kriterija kojim se utvrđuje posjedovanje neophodnog nivoa poznavanja engleskog jezika, kandidat je dužan prethodno pohađati školu engleskog jezika na IUS-u u skladu sa općim aktom IUS-a. Cijena školarine za vrijeme pohađanja engleskog jezika utvrđena je cjenovnikom Osnivača.

Studenti iz Republike Turske su obavezni, pored kriterija iz prethodnih stavova, položiti i prijemni ispit za dodiplomski studij (LYS-Lisans Yerleştirme Sinavi), te na istom ostvariti minimalan broj bodova propisan od strane nadležnog tijela za visoko obrazovanje Republike Turske, odnosno osvojiti minimalno 1000 bodova na SAT testu (Scholastic Aptitude Test/Scholastic Assesment Test).

POTREBNI DOKUMENTI ZA UPIS

DRŽAVLJANI BOSNE I HERCEGOVINE

Za upis u prvu godinu prvog ciklusa studija na IUS-u, kandidati državljani Bosne i Hercegovine su obavezni dostaviti sljedeće dokumente:

1. Aplikacijski formular za upis sa tačno naznačenim fakultetom i studijskim programom na koji se konkuriše (dostupan na www.ius.edu.ba ili u Studentskoj službi);
2. Original ili ovjerena kopija diplome o završenoj srednjoj školi;
3. Original ili ovjerena kopija svjedočanstva od I do IV razreda srednje škole ;
4. Nostrifikacija diplome za kandidate koji su stekli srednjoškolsko obrazovanje izvan Bosne i Hercegovine ili potvrda da je postupak nostrifikacije po njihovom zahtjevu pokrenut. U izuzetnim slučajevima, kandidat se može **uslovno** upisati prije izvršene nostrifikacije odnosno ekvivalencije diplome;
5. Izvod iz matične knjige rođenih;
6. Uvjerenje o državljanstvu;
7. Dvije fotografije veličine 6x4;
8. Ljekarsko uvjerenje;
9. CIPS potvrda o mjestu prebivališta.

STRANI DRŽAVLJANI

Za upis u prvu godinu prvog ciklusa studija na IUS-u, kandidati strani državljani su obavezni dostaviti sljedeće dokumente:

1. Aplikacijski formular za upis sa tačno naznačenim fakultetom i studijskim programom na koji se konkuriše (dostupan na www.ius.edu.ba ili u Studentskoj službi);
2. Original diplome i svjedočanstava o završenoj srednjoj školi;
3. Rješenje o izvršenoj ekvivalenciji svjedočanstva, za kandidate koji su stekli srednjoškolsko obrazovanje izvan Bosne i Hercegovine ili potvrda da je postupak ekvivalencije pokrenut po zahtjevu kandidata, te da kašnjenje u donošenju odgovarajućeg rješenja nije rezultat propusta koji mu se može staviti na teret. U slučaju dostavljanja potvrde, kandidat se upisuje uslovno, pri čemu preuzima punu odgovornost za blagovremeno pribavljanje rješenja o ekvivalenciji svjedočanstva;
4. Kopija pasoša (sa važenjem najmanje dvije godine);
5. Dvije fotografije veličine 6x4;
6. Uvjerenje o nekažnjavanju (ne starije od 6 mjeseci i za strane studente koji rade dozvolu boravka preko IUS-a);
7. Ljekarsko uvjerenje (za strane studente koji ne rade dozvolu boravka preko IUS-a).

PRIJAVE I ROKOVI

Prijave sa potrebnom dokumentacijom dostavljaju se lično (svakim radnim danom od 9 do 17 sati) Studentskoj službi IUS-a ili preporučenom poštom na adresu:

***Internacionalni univerzitet u Sarajevu
Hrasnička cesta 15
71 210 Ilidža***

Konkurs ostaje otvoren do 11.09.2019. godine.

Ukoliko se u prvom upisnom roku ne primi planirani broj kandidata, IUS može produžiti rok za dostavu prijava za upis na Konkurs najkasnije do 20.01.2020. godine, te objaviti (dopunjenu) konačnu listu upisanih studenata, u kojem slučaju se početak studijske godine utvrđuje Kalendarom organizacije i realizacije nastavnih programa. Pravo prijave u drugom roku imaju svi kandidati koji su konkurisali u prvom upisnom roku, kao i kandidati koji nisu konkurisali ranije.

Preliminarnu rang-listu svih prijavljenih i primljenih kandidata na fakultete u prvom upisnom roku, IUS će objaviti na oglasnoj ploči i web stranici nakon što je verificira nadležno tijelo najkasnije dva dana nakon isteka roka za podnošenje prijava na konkurs.

Na objavljenu preliminarnu rang-listu kandidati imaju pravo prigovora u roku od tri dana od dana objave iste.

Konačni spisak upisanih studenata, IUS će objaviti najkasnije pet dana nakon objavljivanja preliminarne rang-liste.

U roku od sedam dana od dana objave konačne rang-liste kandidat koji je ostvario pravo na upis je obavezan dostaviti originalne dokumente organizacionoj jedinici, u suprotnom smatra se da je odustao od upisa na studijski program za koji je aplicirao.

Ukoliko se na određeni studijski program ne prijavi dovoljan broj kandidata, IUS zadržava pravo da ne pokreće predmetni studijski program u 2019/2020. studijskoj godini.

U slučaju da na neki od studijskih programa IUS ne upiše planirani broj studenata državljana BiH, IUS zadržava pravo da u okviru ukupne kvote za taj studijski program upiše dodatni broj stranih studenata, i obnutno.

Sve dodatne informacije zainteresovani kandidati mogu dobiti na broj telefona: 033 957 175 ili e-mail adresi: info@ius.edu.ba.

Nepotpune i neblagovremene prijave neće se uzimati u razmatranje.